

Nunaniit allaniit suliaortortussanik sulisussarsiornermut politikki

Siunertaq atuuffillu

Royal Greenland nunap tunisassiorfiusup avataaneersunik sulilersitsisarpoq. Piffiit ilaanni sulisussaaleqisoqarnera peqqutaasinnaasarlunilu sumiiffiit ilaanni tunisassiorneq annertusinnaasarmat sulisinnaasut amigartarput. Suliaqarfimmut aalajangersimasumut piginnaasakinneq peqqutaasinnaavortaaq.

Sulisussarsiorneq naapertuuttoq ILO-milu najoqqutassanik eqquutsitsisoq politikki matumani tunngavigineqarpoq. Politikki tunisassiorfinnut tamanut Royal Greenlandimit pigineqartunut Royal Greenlandimulluunniit attuumassutilinnut atuuppoq.

Akisussaaffik

Royal Greenlandip suliffeqarfiup 'Inuit pisinnaatitaaffiit politikki'-anut naapertuuttumik sulisussarsiorneq sulilersitsinissarluk akisussaafigaa, matumani sammisat makku pingaarnertut qitiutinneqassapput:

- Sulilersinneqarneq nammineq aalajangigassaavoq, assersuutigalugu pinngitsaalisamik, pituttorisimamut namminerluunniit piumasarinngisamik parnaarussatut sulilersinneqarneq inerteqqutaavoq.
- Sulilersitsisoq qularnaveeqqusiissutinik kinaassutsimulluunniit uppersaatinik tigummiassanngilaq
- Sulilersitaq sulilernerminut atatillugu aningaasartuuteqassanngilaq
- Meeqqanik sulisitsineq inerteqqutaavoq
- Sulilersitat najugassaateq qiluutisuutinneqassapput
- Oqartussanut piumasaqaatit

Sammisat qulaani allasimasut Sulisoqarnermut Immikkoortortamit nakkutigineqassapput. Royal Greenlandimi sulisut suliamut attuumassutilit politikkimik taassuminnga suleriutsinillu tassunga ilaasunik ilinniagaqarput.

Ingerlatseriaaseq

Ingerlatseriaaseq pitsaasoq sulisitsisup sulisullu akunnerminni ileqqorissaarnissaannut ataqqinninnissaannullu tunngaviliivoq. Ingerlatseriaaseq patajaatsoq makkuninnga imalik pilersinneqarpoq:

- Politikki allataq ("nunaniit allaniit suliaortortussanik sulisussarsiornermut politikki") Nunaniit allaniit suliaortortussanik sulisussarsiornermi sulilersitsinermilu piumasaqaatinik imalik. Politikki sulilersitsinermut attuumassutilinnut tamanut sulisussarsiornermiit isumaqatigiissutit atorunnaarnissaata tungaanut ersarissumik ilisimatitsissutigineqassaaq.
- Sulisussarsioriaatsip maanna toqqaannartumik toqqaannanngitsumillu atuuttup aarlerinarsinnaassusaanik naliliineq.
- Suliffeqarfinni sulisussarsiorarfinit suliakkinneqarsimasuni siunnersortiniluunniit aarlerinarsinnaasunik suleriutsinillu aqutsineq nakkutilliinerlu.
- Sulisussarsiorarfiit sulilertussallu akornanni suliat isumaqatigiissutillu oqaatsitigut paasinartumik suliarineqassapput.
- Najoqqutassanik nakkutilliineq, assersuutigalugu sulisussarsiorarfinnik misissuineq, sulilersitanik oqaloqateqarnerit maalaarfissallu.
- Nalilersuineq misissuinerlu.

Sulisussarsiorarfiit

Sulisut pitsaanerpaat sullarinnerpaallu suliffeqarfimmut ujartorumallugit sulisussarsiorarfik atornerparpat isumaqatigiissutit atsiunnginnerani siusinaarluni atsiortoqassaaq. Aarlerinarsinnaasunik nalilersuinnermi sulisussarsiorarfiup ileqqorissaarnermut najoqqutassai periusaalu misissorneqassapput, pingaartumik

immikkoortumi 'Akisussaaffik'-mut tunngasumi sammisanut pineqartunut tunngatillugu misissuisoqassaaq. Suliffeqarfiit sulisussarsiortarfiit ataanniittut sulisussarsiortarfimmit sulitinneqarpata, politikkimi matumani piumasaqaatit taakkununga ingerlateqqinneqassapput.

Royal Greenlandip sulisussarsiortarfiullu akornanni isumaqatigiissut sulisussarsiornissaq sioqqullugu piareerneqassaaq. Isumaqatigiissut illuatungeriinnit minnerpaamik ukiut pingasukkaarlugit nalilersorneqartassaaq. Sulisussarsiortarfiit suliassallu ilaanik suliakkerneqarsimasut Royal Greenlandip pisiortorfusartunut ileqqorissaarnissamut najoqqutassiai atsiussavaat.

Sulilersitsinerup ingerlarnga

Royal Greenland suliassanut, suliffimmut, akissarsianut, sulilerfissap ulluanut isumaqatigiissutillu atorunnaarnissaanut, sulinngiffeqarnermut, ILO-mi najoqqutassat naapertorlugit piffissamut suliffiusumut, najugaqartinneqarnermut assigisaannullu tunngatillugu paasissutissanik sukumiisunik paasititsilluni suliffimmik neqerooruteqassaaq.

Ornigunnikkut imaluunniit nittartakkatigut ataasiakkaaraluni oqaloqatiginninnikkut eqimattanut immikkut toqqakkanut paasititsiniaasoqassaaq.

Sulisussarsiortarfiup imaluunniit Royal Greenlandimi Sulisoqarnermut Immikkoortortap sulilersussamut isumaqatigiissut pappilissallu tamaasa, matumani angalanissamut pappilissat ilanngullugit, suliarissavai.

Sulilersinneqarnermut akiliutit

Sulilersinneqarnermut akiliutit tassaapput sulisup sulilernissaminut akiliutigisinnaasai sulluunniit. Aningaasartuutit tamaasa, pas (kinaassutsimut uppersarsaat) minillugu, Royal Greenlandimit tunngaviusumik akilerneqassapput. Akunermiliuttumut RG-miluunniit sulisumut akiliisoqarsimanera kingusinnerusukkat paasineqarpat suliaq sukumiinerusumik misissorneqassaaq, aningaasartuutigisimasallu akiliisimanermit uppersarsaatitalit sulilertussamut akilerneqassapput.

Sulilersinneqarnermut akiliutit makkuupput:

- Suliffissarsiuussiviit sulilersinneqarnermut suliannut akiliutit
- Sulisitsisut toqqaannartumik sulilersitsinerannut atatillugu sulisut akiliutigisimasaat
- Nakorsamit misissortinnermut aningaasartuutit
- Misissuinnermut piginnaangorsaanermullu aningaasartuutit
- Angalanermit aningaasartuutit
- Aallaqqaasiutitut ilisarititsinernut ilisimatitsinernullu tunngatillugu aqqissuussanut aningaasartuutit
- Allaffissornermit aningaasartuutit allat

Nunanit allanit nuuttoqassatillugu nunat tamalaat akornanni angalanermit assartuinnermullu akiliutit, akuersissutit siuumoortumillu ilisimatitsinerit sulilersitsinermit akiliutinut aningaasartuutinullu ilaapputtaaq.

Sulisunik isumaqatigiissuteqarnerit

Sulisup Royal Greenlandillu akornanni isumaqatigiissummik illuatungeriinnit tamanit atsiorneqarsimasumik suliarorfissamullu aallannginnermit piareereersimasumik peqartuassaaq. Isumaqatigiissut illuatungeriinnit tamanit oqaatsitigut atuaruminartunngorlugu oqaatsilluunniit marluk atorlugit allatatut suliarineqassaaq, isumaqatigiissutillu tamarmik atsiorneqassapput.

Nakkutilliineq

Sulilersitsinerup nalaani sulilertussat sulilernissamut pinngitsaalisamik akileeqquneqarsimanersut aperineqassapput.

Sulilersitat Royal Greenlandimi qaammatini pingasuniit arfinillit tikillugit sulereersimatillugit, sulinermit atugassarititaasunut akissarsianullu paasinnissimanerat kiisalu sulinerminnik nuannarinninnerat


iluarsimaarinninnerallu qulakkeerniarlugu oqaloqatigineqassapput. Oqaloqatigiinnermi tassani sulilersitat sulilersitsiniarnerup nalaani sulilersinneqarnermut arlaatigut akiliisinneqarsimanersut akiitsoqalersimanersulluunniit aperineqaqqissapput.

Taamaaliortoqarsimaneranik pasilliisoqartillugu sulilersitsiniarnerup ingerlarnganik attuumassutilinnillu misissuisoqassaaq.

Najugaqartitsineq

Royal Greenland suliaartortitanut eqqiluitsunik najugassaqaqtitsivoq. Sulisut tamarmik nammineerlutik ineerassaqaqlutillu aappariit inunnut marlunnut naammattumik ineerassaqaqtinneqarput. Sulisut inimut ataatsimoorfiusumut, perusuersartarfimmut, uffarfimmut igaffimmullu isersinnaapput.

Nuuk, 15 /12 - 2021



Mikael Thinghuus
Pisortaaneq



Lars Nielsen
Tunisassiornermut pisortaq



Nils Duus Kinnerup
Angaaasqarnermut pisortaq



Bruno Olesen
Tuniniaanermut nittarsaassinnermullu pisortaq